



# ՆԵՐՍԵՍ ԵՆՈՐՀԱՒԻՆ ԵՎ ԻՐ ԺԱՄԱՆԱԿԱՇՐՋԱՆԸ\*

ԵՆՈՐՀԱՒԻՆ ՎԵՐԱԳՐՎՈՂ ԵԱՐԱԿԱՆՆԵՐԸ

Շարականների հեղինակների մեջ Ենորհալին ամենարարժր դագաթն է. նրա օրով է, որ մեր շարականներն հասել են զարգացման ամենարարժր աստիճանին: Նա բարձր արվեստով գրել է բազմատեսակ շարականներ և գեղեցիկ տաղեր, որոնցով զարդարել է մեր շարականների գանձարանը՝ շարակնոցն ու ժամագիրքը: Մեծ է Ներսես Ենորհալու գրական վաստակը մեր հին մատենագրության մեջ: Այդ վաստակի մեջ առանձնահատուկ տեղ են գրավում նրա գրած շարականները: Սակայն զժրախտաբար Ենորհալու շարականները չեն ուսումնասիրվել ինչպես հարկն է:

Որպեսզի պարզ ու ամբողջական լինի Ենորհալու պատկերը որպես մեծ բանաստեղծի և մատենագրի, անհրաժեշտ է, որ ոչ միայն ուսումնասիրվեն նրան պատկանող շարականները, այլև հրատարակվեն, որպես մեր միջնադարի բանաստեղծության ընտիր, բարձր արվեստով գրված գործեր:

Ենորհալու գրած շարականների մասին մեր պատմիչներից առաջինը խոսում է Կիրակոս Գանձակեցին:

Գանձակեցին Ենորհալու գիտության, իմաստության և համբավի մասին խոսելիս հայտնում է, թե ինչպիսի շարականներ է գրել նա, «Ու գի էր նա այր բանաւոր, բազում ինչ կարգեաց յեկեղեցի բաղցր եղանակաւ խոսորովեան ոճով շարականս և մեղեդիս և տաղս ոտանաւորս, քանզի նորա է Յարութեան Օրհնութիւն երրորդ կողմն, և Աստուա-

ծածնին Փոխման երկուց ատուրցն, և Պատրոսի և Պօղոսի Օրհնութիւն և Մանկունքն և Համբարձին, որոյ սկիզբն է այս. «Ցնծա այսօր եկեղեցի», և Որդուցն Որոտման Օրհնութիւն՝ «Որ էն էութեան Որդի», և շարական մի Անածնի, և երկու Թէոդոսի և մի Քառասնիցն, և մի Առաքելոցն, և Աւագ Երաթին երից ատուրց Օրհնութիւն—երկուշարթին, երեքշարթին, չորեքշարթին և երկու շարական Յարութեան Ճաշու և Նինուէացուցն. և Հրեշտակապետացն և Սրբոց վարդանանց և այլ բազում շարականս»<sup>16</sup>:

Թեև Գանձակեցին մանրամասն գրում է Ենորհալուն պատկանող շարականների մասին, բայց մեջբերումի վերջին բառերից երևում է, որ պատմաբանը Ենորհալու գրած բոլոր շարականների անունը չէ որ տալիս է: Ըստ Գանձակեցու Ենորհալին վերևում հիշված շարականներից բացի գրել է նաև «այլ բազում շարականս»: Նշանակում է՝ Գանձակեցու հազորդածը Ենորհալու շարականների մասին լրիվ չէ, որովհետև շատ շարականների անուն չի հիշված:

Երկրորդ կարևոր աղբյուրը Ներսես Ենորհալու գրած շարականների մասին 1833 թվականին էջմիածնում լույս տեսած «Ձայնազաղ շարական»-ի առաջաբանն է: Այստեղ խոսվում է մեր շարականների բոլոր հեղինակների, որոնց թվում նաև Ենորհալու մասին: Ահա այդ առաջաբանի այն մասը, ուր խոսվում է Ենորհալու գրած շարականների

16 Կիրակոս Գանձակեցի, «Պատմութիւն հայոց», էջ 109—110:

\* Եարունակված ամսագրի 1957 թվականի N Թ-ից:

մասին. «Սուրբն ներսէս Շնորհալի՛ զվառ ձայնն Աւագ Օրհնութեան, զԾօթանասնիցն, զնինուէացոցն, զԱղուէացից ամենայն կիրակէիցն, զՄաղկազարդի շարցն, զՀնգադէ գալստեան շորս պատկերան. զՎարդավառի դերկու պատկերան. և զՓոխման երկու պատկերան. զԾօհաննու ԴԶ շարցն. զՄարգարէից ԴԶ շարցն. զՀրեշտակապետացն, զՆորահրաշն Վարդանանց, զՂևոնդեանցն, և զԱյսօր անճառն, զՆորոգորդն. զԱստուած անեղն. զԱրարչականն. զԱրևագալի շարականն. զՕրհնեմք զքեզն. զՆայեաց սիրովն. զԻ քէն հայցեմքն. և ըստ ոմանց Ս. Յակոբայն ևս սորա է ասացեալ»<sup>17</sup>:

Շարականի այս առաջաբանում էլ շին հիշվում Շնորհալուն պատկանող հայտնի շարական-երգեր, որոնք կան ժամակարգութեան և հետևապես ժամագրքի մեջ. դրանցից են, օրինակ՝ «Նորաստեղծեալ»-ը, «Առաւօտ լուսոյ»-ն, «Աշխարհ ամենայն»-ը, «Յիշեսցուք» և «Զարթիք» հայտնի գիշերային երգերը, «Նորոգող տիեզերաց»-ը և այլն: Ուրեմն շարականի առաջաբանում էլ Շնորհալուն գրած բոլոր շարականները շին հիշված, հետևաբար այս աղբյուրն էլ լրիվ չէ: Օգտվելով այս երկու հիմնական աղբյուրներից, նաև հիշատակարաններից, ձեռագրերից և այլ տվյալներից, իր «Շնորհալի և պարագայ իւր» հայտնի գրքում Հ. Ղ. Ալիշանը այդ շարականների մասին տալիս է հետևյալ տեղեկությունները. «Ժամասացութեան կամ պարզ ևս ըսելով ժամագրոց մէջ Շնորհալին նոր մասեր կամ աղօթքներ յաւելցուց. այլ միայն նոր երգեր մտցուց... Այդ իր գրածները կամ իր շարագրածներն են՝ նախ՝ «Յիշեսցուք» և «Զարթիք»... ապա Առաւօտ լուսոյ», «Աշխարհ ամենայն», «Նորաստեղծեալ»... արարչական երգը: Արևագալից ժամուն մեջ քանի մը արձակ երգեր աւելցուց, հիթէ ճաշու ժամուն ծանոթ է «Օրհնեմք զքեզ» երգը, «Այսօր անճառ»-ը, «Նայեաց սիրով»-ը, «Ի քէն հայցեմք»-ը... հոս,— շարունակում է Ալիշանը,— կուզեմք յանուանէ ալ յիշել իր շարական ըսածները... որչափ որ յայտնի են, կամ կը կարծուին և են՝ 1. 2. Իրկու Աւագ ասնից սրբոց շարականքն մեծ մասամբ, այսինքն՝ Պետրոսի և Պօղոսի, Յովհաննու և Յակոբայ. 3. Առաքելոց շարականին մասն. 4. Եօթանասնիցն՝ «Իմաստութիւն երկնային». 5. Թէոդոսի շարականին մասն. 6. Ս. Անտոնի մասն. 7. Քառասուն մանկանց մասն. 8. Մեծ պահոց կիրակէից կանոնքն. 9. Նիւնուէացոցն. 10. 11. 12. Աւագ երկուշարթի, երեքշարթի և չորեքշարթի կանոնքն. 13.

Աւագ Ուրբաթու «Այսօր ի կատարումն». 14. Յարութեան երկու ճաշու շարական. 15. Ըստ ոմանց և օրհնութիւն վառ ձայնի Յարութեան. 16. Հոգեգալստեան Բ օրվա կանոնն»<sup>18</sup>: Այսպիսով՝ գոյություն ունեցող հիմնական աղբյուրների համաձայն<sup>19</sup>, Շնորհալուն վերագրվում են անվիճելի կերպով հետևյալ շարականներն ու երգերը.

1. Աղուէացից կիրակի օրերի (Մեծ պահոց կիրակիների) շարականները.
2. Մաղկազարդի հարցը.
3. Ս. Ասովածածնի Վերափոխման երկու պատկերը.
4. Վարդավառի երկու պատկերը.
5. Սրբոց Վարդանանց և Ղևոնդյանց շարականները.
6. Հրեշտակապետաց կանոնը.
7. Անտոն անապատականի շարականը.
8. Թեոդոսի կամ Սրբոց Թագավորաց շարականները.
9. Հայրապետաց կանոնը.
10. Ս. Հակոբ Մծբնացու շարականը.
11. Ս. Հովհաննես Մկրտչի ծննդյան կանոնը.
12. «Արծաթսիրութեամբն մուխալ» շարականը.
13. Ավագ շաբաթի երեք օրերի շարականները (բշ., գշ., դշ.).
14. «Այսօր անճառ»-ը.
15. «Նորոգող տիեզերաց»-ը.
16. Հովնան մարգարեի շարականը.
17. Ս. Սարգսի շարականը.
18. Հոգեգալստյան երկու պատկերը.
19. «Արարչական»-ը.
20. «Նորաստեղծեալ»-ը.
21. «Նայեաց սիրով»-ը.
22. «Ի քէն հայցեմք»-ը.
23. «Աստուած անեղ»-ը.
24. «Արարիչ և մարդասէր»-ը.
25. «Առաւօտ լուսոյ»-ն.
26. «Աշխարհ ամենայն»-ը.
27. «Յիշեսցուք»-ը.
28. «Զարթիք»-ը.
29. Արևագալից երգերը.
30. Ավագ օրհնութեան վառ ձայնը (Հարութեան).
31. Քառասուն մանկանց շարականը.
32. Պետրոսի և Պողոսի շարականը.
33. «Որդոցն Որոտման» շարականը.
34. «Նահապետին Աբրահամու» փոքրիկ երգը:

18 Հ. Ղ. Ալիշան, «Շնորհալի և պարագայ իւր», էջ 444—445:

19 Հ. Գ. Ավետիսյան, «Թացատրութիւն շարականաց»:

17 «Զայնքաղ Շարական», էջմիածին, էջ 3:

Այս շարականների մասին որոշ լրացուցիչ տեղեկություն են տալիս նաև Հ. Գ. Ավետիքյանը «Քաղաքաբնութիւն շարականաց» և Ս. Վ. Ամատունին իր «Հին ու նոր պարականոն շարականները» արժեքավոր ուսումնասիրությունների մեջ:

Այժմ փորձենք ծանոթանալ Շնորհալու շարականների բովանդակության ու ձևի գաղափարական ու գեղարվեստական արժեքներին:

Շնորհալու շարականներից բանակով ամենաշատը Մեծ պահոց հինգ կիրակիների կանոններն են. որոնք կոչվում են՝ երկրորդ, երրորդ, չորրորդ, հինգերորդ և վեցերորդ կիրակիների աղոճացից: Այս կանոններից ամեն մեկը բաղկացած է «Օրհնութիւն»-ից, «Հարց»-ից, «Մեծացուցէ»-ից, «Ողորմեա»-ից և «Տէր յերկնից»-ից:

Երկրորդ կիրակիի աղոճացիցի Օրհնութիւնն է՝ «Որ զօրէնս սրբութեան պահոց»-ը, որն ունի ԴՁ (չորրորդ) ձայն. Հարցն ունի ԱԿ (Առաջին կողմ) ձայն և սկսվում է «Որ յառաջ քան զյաւիտեանս» բառերով. Մեծացուցեն՝ «Որ զկեանսն անմահարար». Ողորմյան՝ «Որ առաքեցար ի հայրական ծոցոյ», «Տէր յերկնից»-ը՝ «Որ անմարմնոց հոգեղինաց»: Ուրեմն Շնորհալու գրած այս կանոններից ամեն մեկը բաղկացած է վերևում հիշված հինգ տեսակ շարականներից, որոնց մեջ էականը, որոշիչը հանդիսանում է Օրհնութիւնը, իսկ մնացածները այս կամ այն կերպ լրացնում կամ խորացնում են օրհնութիւնն երգած գաղափարներն ու իմաստը:

Երկրորդ կիրակիի վերոհիշյալ Օրհնութիւնն մեջ բանաստեղծը գեղարվեստորեն մշակում է Փրկչի կեանքի քարոզը, որի հիմնական իմաստը պահպանողութիւնն է: Այստեղ խոսվում է նաև օրինապահության և հնազանդութիւնն մասին: Օրհնութիւնն մեջ բանաստեղծորեն ցույց է տրվում նախահոր Ադամի գործած սխալն ու օրինազանցութիւնը դրախտում, երբ նա զանց առնելով օրենքը, ճաշակեց դառնութիւնը և դատապարտվեց տանջանքների ու մահվան: Սակայն քրիստոնյա բանաստեղծը գտնում է, որ չպետք է հուսահատվել, այլ պետք է զղջալ, ապաշխարել:

Հետևյալ երեք կիրակիների Օրհնութիւնն շարականների բովանդակությունը ընդ որոշ է նրանով, որ նյութը վերցված է իրական կյանքից, առականներից, իսկ առականները՝ Ավետարանից: Երրորդ կիրակիի Օրհնութիւնն մեջ Շնորհալին գեղարվեստորեն վերարտադրում է Ավետարանից Անառակ օրրոյ համբաժնոթ առակը: Այստեղ նա գեղեցիկ համեմատութեամբ մեղավոր մարդկությունը նմա-

նեցրել է անառակ օրրոյն: Օրհնութիւն 7-րդ տունն ասում է.

«Ընդ անառակին օրրոյս քոչեմք առ Հայրդ գթած».

Մեղաք յերկինս և առաջի քո, բաւիչ յանցանաց.

Ել ընդ առաջ սիրով, գրկես համբուրիս և այլն<sup>20</sup>:

Անառակ օրրին զղջում և վերագառնում է իր հայրական տունը, դարձի գալիս և ներումն խնդրում: Այսպես էլ մարդը Ադամի մեղանշելու հետևանքով նման է անառակ օրրու, որ պետք է դարձի գա, զղջա: Բարեգութ Արարիչը, ինչպես անառակ օրրու հայրը, սիրով պիտի ընդառաջ գա, գրկի, համբուրի և մաքրի մեղքերից մոլորված մարդկությունը:

Եթե այս Օրհնութիւնն սկզբի մասում համեմատվում են անառակ օրրին ու մարդկությունը մի կողմից և ներող հայրն ու բարեգութ Արարիչը մյուս կողմից, ապա Օրհնութիւնն հետևյալ հատվածում համեմատվում են օրրու հակադրութիւնն աղքատ Ղազարոսն ու մեծատունը, հարուստը: Հեղինակն այստեղ ևս վարպետորեն օգտագործել է Ավետարանի առակը: Այստեղ մարդկությունը նմանեցված է աղքատ Ղազարոսին, որը կամավոր աղքատութեամբ և ժուժկալութեամբ արժանանում է երկնի արքայութեանը.

«Շնորհեա մեզ տէր ընդ աղքատաց Օրինակին Ղազարու ժուժկալութիւն. Զի կամաւոր աղքատութեամբ

արքայութեանդ երկնից ընդ նմին լիցուք արժանի...»<sup>21</sup>:

Իր մաքուր վարքով ու աղքատ դրութեամբ Ղազարոսն արժանանում է անմահութիւնն հացին, տեղ է գտնում դրախտում՝ հայր Աբրահամի գոգում.

«Որ փոխանակ հացին կարօտութեան Զհացն անմահութեան նմա շնորհեցիր. Եւ ընդ մեծատանն անգթութեան ի գոգն Աբրահամու դնա ընկալար...»<sup>22</sup>:

Ապա Ղազարոսը հակադրվում է մեծատանը, որն ապահ է, անգութ է մեղապարտ և դրա համար էլ այրվում, ճենճիրվում է դժոխքի հնոցի բոցերում.

«Լուսատրեա զաշս սրտից Ստանալ մեզ ողորմութեամբ ի քէն Տէր զօրութիւն

Զի մի ընդ մեծատանն հայցեսցուք ի բոց հնոցին ծագիւ մատին ջուր ի զովացումն...»<sup>23</sup>:

20 «Ձայնբաղ շարական», էջ 137:

21 Նույն տեղում:

22 Նույն տեղում:

23 Նույն տեղում:

Չորրորդ կիրակի օրվա Օրհնության մեջ Շնորհալին վարպետորեն տվել է տնտեսի առակի օրինակը՝ դարձյալ զըջալու, ապաշխարելու զգացումը հավացյալների մեջ ուժն զացնելու, ամրապնդելու նպատակով: Այս Օրհնության մեջ տնտեսի առակի հիման վրա այլարանորեն տրվում է չորս հաստատու-թյուն, տնտեսութուն կամ պարզ ասած՝ ընտանիք: Առաջինը վերին աշխարհն է, ուր հաստատված են որպես տնտեսներ զպէտու հրեղինաց՝ հրեշտակապետները, քերովրհներն ու վեցթևյան սերովբեքը: Դա մի անհասանելի գործություն է, իմանալի աշխարհը:

Օրհնության երկրորդ տան մեջ այդ վերին, անհասանելի տնտեսության կողքին դնում է զգալի աշխարհը, Արեւի դրախտը, որտեղ Տերը որպես տնտես դրեց առաջին մարդուն Ադամին:

«Որ տիրապէս մեծատունդ Ստեղծեր երկրորդ աշխարհ զգալի Եւ ի դրախտն որ յԱրեւի Տնտես եղեալ զմարդն առաջին...»<sup>24</sup>:

Երրորդ հաստատությունը՝ «տնտես զքարոյ բանին ճշմարտութեան», համարվում է Եկեղեցին և այդ ճշմարտության խոսքը պետք է քարոզեն Եկեղեցու առաջնորդները՝ վարդապետներն ու հայրապետները:

Երգի վերջում չորրորդ տնտեսութունը համարվում է մարդկութունը, մարդկային բնությունը՝ հատկապես նրա միտքն ու իմաստությունը:

Մեծ պահոց հինգերորդ կիրակի օրվա Օրհնության հիմնական միտքը Դատավորի առակն է: Եարականի երկրորդ հատվածի երեք տներն էլ դատավորի, արդարադատու-թյան և իրավունքի մասին են խոսում:

Առաջին տան մեջ օրհներգն ասում է, որ արդար դատավորը մեր մտքում էլ է հաստատել արդարության գաղափարը, որ մենք կարողանանք արդարադատ լինել մեր հոգու և մարմնի նկատմամբ և այդ ինքնադատաստանը կատարենք ըստ Քրիստոսի արդար օրհնքների:

«Դատել զհոգի և զմարմին Արդարապէս դատմամբ Ըստ օրինաց քոց Քրիստոս...»<sup>25</sup>:

Բայց և այնպես մարդկային բնությանը հատուկ է և անիրավությունը: Անիրավ դատավորը ոչ Տիրոջից է վախենում և ոչ էլ մարդկանցից է ամաչում, ուստի կորցնելով ամոթն ու խիղճը՝ չի կարող արդարադատ լինել և չի պաշտպանում զրկվածների՝ որբի, ծերերի ու այրիների դատը:

<sup>24</sup> «Ձայնքաղ շարական», էջ 182:  
<sup>25</sup> Նույն տեղում, էջ 167:

«Իսկ անիրաւ դատաւորին, Որ ի քաղաք բնութեան մերոյ, Ոչ ունելով զերկիւղ քո սուրբ՝ Եւ անպատկառ ի մարդկանէ Ոչ առնելով դատ զրկելոյն»<sup>26</sup>:

Որպեսզի չնմանվի անարդար, անիրավ դատավորի, որպեսզի մարդը կարողանա ինչպես հարկն է վարվել իր սոսիս հետ, արդարադատ լինել, ուստի նա դիմում է «անմահ սուրբ փեսային»:

«... Ուստ զիրատունս քո իմում դատաւորիս Առնել ինձ դատաստան արդար ընդ սոսիսի մարմնոյ իմոյ»<sup>27</sup>:

Վերջին կանոնի մեջ ընդհանրապես փառարանվում է Քրիստոսի մարդեղությունը՝ մարդուն Ադամի մեղքերից ազատելու համար: Քրիստոսի աշխարհ գալը դեռ շատ վաղուց գուշակել են մարգարեները՝ կատարվեց այդ գուշակութունը. եկավ նա աշխարհ, խաչվեց, թաղվեց և երեք օր հետո հարություն առավ և համբարձավ երկինքը: Չնայած ահեղ է նրա երկրորդ գալուստը, բայց նա դիմաւատ է ու ներող. բանաստեղծը ցնծում է ինչպես անտառի ծառերը՝ ըստ Դավթի սաղմոսի ՂԵ պիսի, ուր ասված է:

«Յայնժամ ցնծասցին ամենայն ծառք անտառի՝ Յերեսաց Տեառն զի դայ, և գայ նա ի դատել զերկիր»<sup>28</sup>:

Որ պիտի գա Փրկիչը, կատարվի մարգարեների խոսքը և այդ Գառի արյամբ փրկվու է մարդկութունը:

«Ըստ առեռեաց մարգարէին՝ Որ առ փրկեալս արեամբ գառինդ՝ Յնժամք և մեք ծառք անտառի՝ Ընդ գալուստ Տեառնդ կրկնակի. Շնորհեա մեզ Տէր ընդ արդարոցն՝ Ընդ առ ի քէն տնկեալ ծառոցն, Այժմ յուսով զուարճանալ՝ Եւ յերկրորդին ընդ քեզ ցնծալ»<sup>29</sup>:

Վերցնելով Դավթի Սաղմոսից վերոհիշյալ համեմատությունը՝ մարդն ու անտառի ծառը, Շնորհալին վարպետորեն այն վարգայցրել, ընդլայնել և յուրատիպ է դարձրել: Եթե Դավթը ուղղակի անտառի ծառերի մասին է խոսում, ապա Շնորհալին մարդկությանը նմանեցնում է անտառի սովորական, ծառերի, որոնք անգամ պիտի ցնծան Քրիստոսի դատաստան գալու պահին, իսկ արդարեւրին համարում է Տիրոջ կողմից տնկված ծառեր: Ապա խնդրում է Տիրոջը, որ իրենք սովորական ծառերն էլ խառնվեն արդարեւ-

<sup>26</sup> «Ձայնքաղ շարական», էջ 167:  
<sup>27</sup> Նույն տեղում:  
<sup>28</sup> Սաղմոս ՂԵ, 12:  
<sup>29</sup> «Ձայնքաղ շարական», էջ 183:

րի՝ հատուկ տնկված ծառերի հետ միասին  
և ուրախանան:

Աղուհացից կանոնների մեջ իրենց գե-  
ղեցկութիամբ ու շիրիկակառնությամբ աչքի  
են ընկնում Մեծացուցեցներից մի քանի-  
սը՝ պայծառ ու բնական պատկերներով: Այս  
պատկերները Շնորհալին վերցնում է արե-  
վից, լուսից, ծառից ու ծաղկից, բնությու-  
նից ու տիեզերքից: Աստվածածինը երգվում  
է որպես՝

«Երկիր բանաւոր արեգական օթարան...»<sup>30</sup>:  
«Աստուածատունկ խնկարեր ծառ,  
Յանուշահոտ բուրաստանէն»<sup>31</sup>:

Առանձնապես գեղեցիկ է վեցերորդ կի-  
րակի օրվա Մեծացուցեց շարականը: Այս  
փառաբանության մեջ Աստուածածինն ա-  
վելի պայծառ է քան երկինքը: Այդ լուսի  
առջև է: որ հայածվում է անգիտության խա-  
վարը: Աստվածածինը մի թեթև ու լուսավոր  
ամպ է, որի երկնային ծովից կենարար անձ-  
րև է ցած թափվում ծարավ երկրի վրա.

«Ամպ թեթև և լուսաւոր,  
Որ դանձրեն կենաց ի քեզ հեղեալ՝  
Ի յերկնային ծովէն՝»

Ջոր հոսեցիր ի յերկիր ծարաւուտ...»<sup>32</sup>:

Այս երգի վերջին տան մեջ էլ Մարիամը  
աստվածատունկ մի փակ պարտեզ է, մի Ե-  
ղեմ, ուր կենաց ծառը դրախտի ու Կուչսի  
հոգու մեջ է աճել և լցրել տիեզերքն իր ան-  
մահական պտղով.

«Պարտէզ փակեալ աստուածատունկ Եղեմ,  
Որ և ծառն կենաց ի մէջ դրախտի  
Քո ի Հոգւոյն անկեալ.

Անմահական պտղովն ելից զտիեզերս...»<sup>33</sup>,  
Եվ դրա համար էլ երգի ամեն տան վեր-  
ջում բանաստեղծը բացականչում է.

«Սրովբէական ձայնիւ զքեզ բարեբանեմք  
Եւ հոգևոր երգով մեծացուցանեմք»<sup>34</sup>:

Աղուհացից շարականներն ընդհանրապես  
վիպական, պատմողական բնույթ են կրում,  
սակայն մերթ ընդ մերթ հատկապես Մե-  
ծացուցեցներում և մասամբ «Տէր յերկնից»-  
ների մեջ կան բուն հուզական տարրեր:

Այս կանոնների շարականների բովանդա-  
կութունն ու նյութը մեծ մասամբ բանա-  
ստեղծը վերցրել է Հին ու Նոր Կտակարան-  
ներից և պատմողաբար ստեղծագործորեն  
օգտագործել է հավուր պատշաճի: Առհասա-  
րակ այս շարականները մտքով հարուստ են  
ու պարզ, մանավանդ Անսուակ սրբու, Դա-

տավորի, Տնտեսի առականը, որոնք ըստ  
էութիան արտացոլում են իրական կյանքը,  
բայց բանաստեղծն օգտագործել է այդ ա-  
ռականը աշխարհաբար ևս:

Մաղկազարդի Դի փոքրիկ, բայց բովան-  
դակալից Հարցի մեջ Շնորհալին ներբողում  
է Փրկչին, Նրա մարդասիրությունն ու խո-  
նարհությունը. Հիսուսը, որ միշտ Հոր հետ  
երկնքում քերովքեական աթոռ է նստել,  
այսօր՝ Մաղկազարդին, խոնարհությամբ ու  
համեստորեն նստել է ավանակի վրա և մտել  
Երուսաղեմ.

«Որ ի քերովբէական աթոռ ընդ Հօր նստէիր  
Բանդ Աստուած,  
Այսօր խոնարհութեամբ նստար մարմնով  
նոր յաւանակի.  
Ջքեզ բարեբանեմք Աստուած հարցն  
մերոց»<sup>35</sup>:

Այն Փրկիչը, որին սերովբեներն են միշտ  
սրբասաց ձայնով փառաբանել, այսօր էլ  
երբայեցիկների կողմից օրհնարանվում է որ-  
պես սրդի Դավթի.

«Որ ի սրովբէիցն սրբասաց ձայնիւ  
անդադար օրհնարանիս.  
Այսօր ի դասուց երբայեցուց  
Որդի Դավթի փառաբանեցար...»<sup>36</sup>:

Հարցի վերջին տան մեջ բանաստեղծը  
վերհիշում է, որ այսօր Փրկիչը Երուսաղեմի  
ձերհրի և տղաների բերանով փառաբանվել  
է «Ովսաննա ի բարձունս» երգով:

Մաղկազարդի կիրակի օրվա շարականի  
բառերով ասած՝

«Մերք ոստովք ձիթենեօք  
Եւ տղայք ոստովք արմաւենեօք  
Եւ երամ երամ դասուքն աղաղակէին.  
Ովսաննա, օրհնեալ եկեալ ի յանուն  
Տեանն»<sup>37</sup>:

Մաղկազարդին նվիրված այս շարականից  
բացի Շնորհալին ունի նաև մի փոքրիկ,  
բայց գեղեցիկ տաղ «Մաղկազարդին» վեր-  
նագրով: Այստեղ ևս բանաստեղծը երգում  
է ավանակի վրա նստած՝ Քրիստոսի Երու-  
սաղեմ մտնելը և Նրա փառաբանվելը օվ-  
սաննաներով.

«Սիօնի ցնծան մանկունք՝ ելեալ ընդ առաջ,  
Ի ձերոց ընծայ բանիւ, ի տղայոց  
ձայնիւ...»

Տիրական տօնիս այսօր եկայք  
ցնծացուք»<sup>38</sup>:

30 «Ձայնբող շարական», էջ 139:  
31 Նույն տեղում, էջ 154:  
32 Նույն տեղում:  
33 Նույն տեղում:  
34 Նույն տեղում:

35 «Ձայնբող շարական», էջ 198:  
36 Նույն տեղում:  
37 Նույն տեղում, էջ 199:  
38 «Բանք շարական», էջ 380:

(Շարունակելի)

